



Universitätsbibliothek Paderborn

**Francisci Toleti S. R. E. Cardinalis Svmma Casvvm
Conscientiæ, Sive De Instrvctione Sacerdotvm Lib. VII**

Toledo, Francisco de

Coloniæ Agrippinæ

3. Quando sit ieunandum, & qualis obligatio.

urn:nbn:de:hbz:466:1-40916

Quando sit iejunandum, & qualis obligatio.

CAPUT III.

Ieiunia communia populo Christiano sunt hæc, quadragesima, quatuor tempora, vigilia Nativitatis, vigilia Pentecostes, vigilia Assumptionis Beatisissimæ Virginis, omniū Sanctorum, & vigilia Apostolorum Petri & Pauli, vigilia S. Ioannis Apostoli, & Philippi & Iacobi, quæ est inter Palma, & Pentecosten, vigilia Sancti Ioannis, & S. Laurentii. Vt hæc sunt aliquot particularia in locis aliquibus obligantia. Hæc omnibus nota sunt. At circa obligationem aduentus, distincta ista tria, præceptum iejunij, præceptum abstinentiæ laeticinijs, & ouis, & præceptum abstinenti ab eis carnibus. Ista autem distinctio consistit, seu percipitur in multis.

Primo, in eo, quod præceptum iejunij includit alia: cum iejunio enim laeticinia, & caro prohibentur, nisi, ut diximus, consuetudo excusat à laeticinio. At vero non contraria, quando enim prohibentur caro, & laeticinia, tamen non est iejunium, ut in dominicis quadragesimæ. Aliando etiam prohibetur caro, non tamen laeticinium, ut in diebus veneris communibus, & Sabbatis intra annum.

Secundo cum dispensatio sit, aut excusat alius à iejunio, non statim liber est ab alijs, ut iuuenes, qui ante vigesimum primum annum non tenentur iejunare, tenentur tamen obseruare alia duo. Similiter multi alii à iejunio excusat. At vero qui dispensatur in carne, dispensatur in alijs duobus: nec enim tenetur iejunare, nec abstinentiæ à laeticinio. Quis vero in laeticinio dispensatur, non ob id in iejunio, aut in carne dispensatur, sed iejunare & abstinentiæ debet à carnibus, nisi alia adsit causa.

Tertio, præceptum abstinentiæ à carnibus, est vniuersalissimum; comprehendit enim pueros ante annos discretionis. Laeticinia similiter non prohibentur pueris ante annos discretionis, prohibentur tamen ante vigesimum primum annum post quem obligat iejunium.

Quarto, qui semel soluit iejunium, non tenetur illo die iejunare, nec nouo peccato mortaliter peccat, quamvis plures comedat, nisi in contemptum iejunij id faciat: ita teneat Duran. 4. dist. 15. 4. & Tabien. Sylvest. verb. iejunium, contra aliquos. At vero

verò peccat mortaliter toties, quoties in die vescitur cibis prohibitis, carne, aut lacticinio, quia ista præcepta sunt negatiua de non comedendo, quæ franguntur, quoties comeditur, & præceptum ieiunij est affirmatiuum, & semel fractum, non potest illo die iam seruari; sic nec nouum mortale committit, qui de nouo vescitur, sicut de carne, ac lacticinio, ut tenet Nauar. num. 25. Sermo igitur est de hoc præcepto ieiunij, quod secundum omnium Sanctorum Doctorum sententiam, obligat sub mortali peccato. Ita habet S. Thom. 2.2. q. 147. art. 3. & alij omnes: consuetudo enim Ecclesiæ est talis, ut sub mortali ieiuniu[m] sit obseruandum. Aduerte tamen, obligari hominē, non solum præcepto hoc ecclesiastico, sed & præcepto diuino ieiunare, cum aliter non potest prouideri saluti suæ spirituali: nam qui periculo se exponit peccandi mortaliter, nisi ieiunio frater carnem, ieiunare tenetur diuino præcepto, & hoc obligat omnes cuiuscumque ætatis, & conditionis, & quocumque tempore, licet sit dies dominicus: tenetur enim abstinere, quantum in necessarium est, pro salute spirituali, licet non sit ieiuniu[m] eodem modo quo Ecclesiasticum obseruandum: nam si non potest prouidere sibi, vescendo carnibus moderatè, aut abstinendo à vino, tunc ad id solum tenetur. Aliquando etiam tenebitur aliquis ieiunare in pane & aqua, si opus est. Tenetur aliquando homo ieiunare ratione alicuius voti facti: aliquando ratione pœnitentiæ impositæ à Confessario, & aliquando pro salute corporali. Nam dietas necessarias saluti corporum, sine quibus manifestè periclitatur corpus, obseruare tenetur, prout expedire cognoverit, licet non teneatur obseruare, quando non sperat nocumētum notabile: loquor enim de peccato mortali.

Qui excusentur ab obligatione ieiunij Ecclesiastici.

CAPUT IV.

Multæ sunt caue à ieiunio Ecclesiastico liberantes homines; mihi ad quatuor capita reduci posse videntur, quæ sunt hæc, infirmitas, paupertas, labor, pietas. Infirmitas a Gabr. 4. dist. 16. q. 3. distinguitur, quadrupliciter: etenim infirmitas languoris, complexionis, ætatis, & conditionis.

